

# ARUBA ANSE COURANT



Diario



pa Aruba

TRY...  
**Tropical Cherry**  
a fine NEW softdrink  
from  
**Tropical Bottling Co.**  
call: 1773

Instala aireacondi-  
cionado na Bo  
cas AWOR!



tel. 2170

No. 3479

## DOE MEER MET MINDER GELD LA ESPERANZA

### Movemientonan di trupa na Cuba no kier meen cu tin estado di emergencia

HAVANA, 9 juli — No ta existi na Cuba un estado di emergencia manera e stacionnan di radio a anuncia, asina e hefe di e forsanan arma Cubano, Raul Castro, a declara en conexion koe e movimientu di trupa y e ehercicionan militar, koe a worde senjala ultimamente na Cuba.

Raul Castro a splica, cu e ehercicio di tiramentu y di bombardeo door di aeroplano y tambe e medidanan di seguridad, cu a worde tuma den Provincia i Oriente, no ta otro cos sino medidanan di rutina pa adelanta or-

ganizacion y vigilancia di e forzanan arma cubano en general y di fuerza aerea en particular.

Ora en realidad ta existi un estado di emergencia, pueblo lo ser informá. Castro a declara. El a agrega, cu en herdad e trupanen ta haci ehercicio continuamente y cu e forzanan arma di Cuba lo ser converti den un organismo militar, cu ta capaz di repela cuikier agresion, cu pone revolucion na peliger.

Recientemente e forza a tene ehercicio di tiramentu na e aeropuertonan di Camaguey y di San Antonio de los Baños, mientras nan a efectua vuelos nocturnos riba ciudad y provincia di Havana. Den cercanias di Sierra del Escubray, den Provincia di Las Villas ta trupa situa y na Santiago de Cuba militarnan a ocupa posicion di distinto edificio estrategico

den e ciudad.

Prisonnan nobo

Na Cuba nan ta proyecta construcion di 13 prison cu un capacidad di 750 presu cada un pa elimina esnan actual di Isla de Pinos y di Havana. Esaki ta sosode como parti di un reforma penitenciaria, cu e gobierno revolucionario lo efectua. di e prison nobo lo ta prison-escuela pa mucha homber di 18 te 25 anja; ocho lo ta homber mayor di 25 anja y un pa muher mayor di 25 anja.

Ley di confiscacion

Gobierno cubano a aproba un ley pa confiscar equipo di empresanan, cu a enriquece nan ilegalmente pa medio di contrato cu e gobierno di ex-presidente Batista. E maquinaria lo worde usa door di Ministerio di Obra-nan publico.

Tambe gobierno cubano a aproba un ley, ordenando tur hende, cu a construi obra publico pa gobierno di Batista, presenta nan cuantanan di e gastonan efectivo di e trabanon y di e suma cu nan a cobra.

### Inglaterra no ta opone recuperacion economico Argentina

LONDEN, 9 di juli. — Gobierno ingles a rechaza awe cu indignacion e pretencionnan, cu Inglaterra ta opondre contra recuperacion economico di Argentina.

Dia 2 di Juli, den Parlamento argentino, un diputado radical, Horacio Domingo Renna, a acusa Inglaterra di ta "conspira" cu Brasil y Rusia pa derroca gobierno di presidente Frondizi y stroba progreso economico di Argentina.

Comentando e alegacionnan aki, un vocero di Foreign Office na Londen a expresa "sorpresa y pena" di gobierno britanico di weita cu "tal acusacionan absurdo por worde formula pa un diputado contra un pais amigo".

"Gobierno britanico — asina el a bisa — ta sigui cu tur simpatia y esfuertonan di gobierno argentino pa conquista su dificultadnan economico. E ta combeni, cu gobierno argentino sabi e sentimentonan aki di buena voluntad".

E vocero a declara tambe, cu e alegacionnan, cu e agregado ingles na Buenos Aires, Carlin, a mescle den asustonan interior di Argentina, ta sin fundacion.

### Islaribananon di Seccion di P.P.A. a reuni

ORANJESTAD. — Den nos edicion di 7 di Juli nos a publica respecto resultado di e reunion general cu tabatin den sala di reunion di B.I.A. dje seccion di Isla Riba di PPA. Erro-neamente a ser publica cu ta 50 persona tabata presente na e reunion aki, pero di fuente fidedigno nos a informa cu na e reunion di PPA aki tabatin 250 persona presente.

### Instalacion di zonido entrega na Hotel

ORANJESTAD. — Ajera representantenan di e firma Arubano Joaquim y Benard Gales na Corsow, cual firma a duna su cooperacion pa instala e zonido na e hotel, a entrega e instalacion aki.

### Saludonan di Hu- landa via Radio Kelkboom

ORANJESTAD. — Despues cu Voz di Aruba tabata e placer di a percuta e prome mitar di anja aki pa Saludonan foi Hulanda, awor trobe Radio Kelkboom ta na tumo pa resto dje anja aki. Dia Sabra awor e prome transmision ta tuma luga anochi 6-45, ora cu aparece dilanti di microfono Heny y Olivier Habibe, cu ta biba den internado di Liceum Carmel na Oldenzaal. E repeticion dje programa lo tuma luga otro seman Dia Razon na e mes ora.

### Dia di Educacion

ORANJESTAD. — Na November nan ta spera na por organiza na Aruba trobe un cierto "Onderwijsdag". Parti di mainta ta trata riba taal onderwijs y atardi riba vakonderwijs (conocemento di naturkunde, aardrijkskunde, handarbeid, y semelantenan). Lo tin un concurso tambe di opstel, na cual ocasion e ganadornan por presenta nan propio opstel. Tambe e ligacion aki conjuntamente ta pensa na organiza un exhibicion y un comedia cu lo ser hunga pa mucha nan na beneficio di "Onderwijsdag".

### H.V.J. Rombouts a muri na EE.UU.

ORANJESTAD. — Inespera a muri na Estados Unidos na edad di 49 anja Sr. H. V. J. Rombouts. E defunto aki a emigra foi Aruba cuater anja pasa.

E Surman aki ta masha conocido na Aruba, como cu el a traha hopi anja aki na De Veer Theater. Aindi tin un rumen dje defunto aki ta traha na Aruba na Servicio di Sanidad. Nos condolencia na deudas dje fallecido.

FATUM — Tel.: 1845  
Pa tur bo aseguronan

### Miembronan di AOB a ser invita pa vacacion na Venezuela

ORANJESTAD. — Despues cu directiva di Liga Arubano di Educacion a tuma contacto basta tem pasa caba cu autoridadnan na Venezuela, cu e obhetto na por a crea un posibilidad pa logra cu miembronan dje liga aki por a hanja un ocasion na tarifanan reduci di por a bin cerra conoci cu e pais-vecinan aki, a bini awor noticia via Consul General di Venezuela na Aruba, cu gobierno Venezolano ta dispuesto na ricibi un grupo di miembronan di AOB. E "trip cultural" aki, manera den terminologia di circulanon di AOB nan ta jame, lo por tuma luga e mes vacacion di verano aki.

E viaje aki por ser haci pa miembronan di AOB cu nan esposa, mientras Sr. N. Piña lo biaha cu nan como persona di contacto. Nan ta spera di por bai Venezuela dia 12 te dia 26 dje luna aki.

### Carl Wolff y Gerrit Schagen ta papia dilanti V. v. H.

ORANJESTAD. — Riba dia 24 dje luna aki Vereniging van Handelaren na Aruba lo tene su reunion anual na Aruba Caribbean Hotel. Como huesped-oradornan lo papia e anchi aki Sres. Carl Wolff, general Manager dje hotel y Sr. Gerrit Schagen.

### Partido Catolico ta bai traha hunto cu gobierno

Gobernador di A.N. Sr. A. B. Speekenbrink, a manda e siguiente carta pa Staten di Antillas Neerlandes:

"Mi tin e honor di participa bo Colegio cu directiva di "Partid Catolico" a declara di ta desea di tuma parti den Gobierno di Antillas Neerlandes.

A base di esaki Gobierno tin e intencion di extende Raad di Ministranon cu un di shete Minister, y como cual e ta propone di nombra Sr. Mr. I. C. Debrot pa ocupa un portefeuille cu lo worde estipula despues.

Cu referencia na e di tercer lid di articulo 37 di Staatsregeling lo mi kier suplica bo duna mi bo opinion tocante di e nombramiento proyecta aki".

TEXAS FURNITURE  
STORE

voor

Youngstown Kitchens

### Bestuurscollege di Corsow

Deputadonan nobo



Juan M. G. Evertsz (NVP)



H. G. M. Pieters Kwiers (NVP)



J. R. B. Rosario (UNPOCO)



A. Loewenthal (NVP)



Philip J. Evertsz (COP)



Pa 8.00 'or

HEINEKENS vs. NESBITTS  
(A)

Diadomingo, 12 di juli pa 10.30 a.m.  
HEINEKENS vs. LUCKY STRIKE  
(A)

Diadomingo, 12 di juli pa 1.30 p.m.  
STA CRUZ vs. CHESTERFIELD  
(A)

ENTRADA solamente f 0.50

### Tres liga di maestronan a reuni y a haci proposicion di revision di salario pa B.C.

ORANJESTAD. — Dia Razon aochi a bini huto directivanan di tres liga di maestronan na Aruba, cu ta: R.K. Onderwijsvereniging "St. Thomas", Arubanse Onderwijzers Bond y Protestant Christelijke Onderwijs Vereniging na Trocadero, den un reunion comun.

Durante e reunion aki nan a discuti diferente ehecucion i nan a bini na diferente conclusionan i nan a dicidi na bini na un cooperacion riba diferente terreno, manera auea antes a ocede.

Nan a cumiaza na dicidi na organiza e verano aki tambe mescos cu aaja pasa, encuadracion deportivo entre e tres liganan, na cual ocasion St. Thomas cu ta e liga mucho mas gran di lo mester combati contra e ambos otro. Nan lo encontra otro riba terreno di football, schaaik, hersengymnastiek, tennis, tafeltennis, bridge y volleyball, mientras un autoriti lo caba di encera enter e asunto.

Tambe a ser instala un sorto di comision cultural cu ta existi entre Sres. Jan Bergers, Taal y Poeze cu lo bai aca nan esfuerso pa nan organiza comedionan y seccionnan cultural pa discipulanon di e bondnan conjuntamente. Esaki lo bai tuma luga en cooperacion cu B.C., inspeccion di educacion i CCA.

Luego e tres bondnan aki a entrega proposicionnan pa un arreglo revisa di salario, cu lo ser combina luego y ofreci na B.C. di Aruba.

E principio dje proposicionnan ma-

nera lo ser entrega na B.C. ta un aumento formal pa maestronan di 3de y 4de rang y un periodieke verhoging extra pa personal dent-B klasse na final di schaal di salaris, pa cual cambio aki, nan lo no alcanza nan salario maximo despues di 16, pero despues di 18 anja.

Pa via dje ultimo punto aki nan ta spera di bai contra curso actual maestronan, pasobra actualmente hopi maestro tin gana di regresa Hulanda, na unda entretanto salario di maestronan a aumenta na un manera atractivo. E proposicion di AOB pa larga tur akcionan mas abao ser retribui cerca maestronan di LO, no a hanja acogida, pa cual motivo solamente lo ser propocai pa personal di educacion di categoria I-A, en lo sucesivo tambe esnan cu ta para dilanti klasnan mas abao cu 5de, di retribui nan na e hoofdakte cu nan tin. Te awor ta solamente e I-Aers cu ta para dilanti klasnan 5 y 6, ta ser paga pa nan hoofdakte cu nan tin.

Pa termina tin tambe den e proposicionnan pa tunamento dje antiguo 2de rangers den categoria I-A.

### Van Marion ta bandona Aruba dia 19 di juli

ORANJESTAD. — Hoofdinspecteur J. van Marion lo bandona Aruba pa bai Corsow dia 19 dje luna, aki na unda lo e bai remplaza comisario.



Aqui nos ta mira e cuater oficialnan mericano cu ta asina interesa den e weganan proximo di campeonato mundial di Baseball. Esquiti to e bachi cu esun cu su equipo gana lo bisti.

HAVE PLENTY OF PEPSI-COLA

Trade Mark Registered

for family and friends



The refreshment  
of friendship







Mas mihor pa  
bo jioenan



Pa nan crece mas fuerte  
y cu energia  
Spaar e etikelnan,  
nan tin balor.

## Amstel no a presenta pa su ultimo partido contra High Life

(Di Nos Sportreporter)  
ORANJESTAD. — Unicamente 7 hungador di Amstel a presenta dia-Razon anochi pa e wegá contra di High Life cual por cierto pa ambos tabata nan ultimo wegá di campeonato 1959. Esaki ta di dos hata cu e cervaceronan di Playa ta hanta un victoria asina for di Amstel. Cu e victoria aki e total di High Life a bira 9 contra di 6 derrota. Amstel a keda cu unicamente 4 wegá gana contra di 11 perdi. E posicion di e equiponan ta actualment:

Club	WH	WG	WP	WA
Nesbit	14	10	4	—
High Life	15	9	6	1/2
Heineken's	14	6	8	4
Amstel	15	4	11	6 1/2

Ultimo wegá awe uochi

E ultimo partido di e campeonato AA lo wordé hunga awe poci entre e naves naranho di Nesbit y esun cervicero di Heineken's. E resultado lo no haci ningun cambio den posicion final di e campeonato, pero naturalmente pa recordnan individual si e por haci diferencia.

## Dentista J. H. C. Hilgers di Aruba a gradua como doctor den medicina

AMSTERDAM, 9 di juli. — Dokter J.H.C. Hilgers, oculista na Aruba, a gradua awe na Universidad Municipal na Amsterdam como doctor den medicina. Riba un disertacion titulada "Pterygium, on the Island of Aruba". Pterygium ta un sorto di ploi riba e membrana ocular, cu por causa unal bista o hasta perdida di bista, si e no ser opera. E causa di e enfermedad, cu ta frecuente na Aruba, no ta conoci. Tin motibu pa supene, cu e enfermedad ta wordé causa pa rayonan di solo. Uso di un bril di solo di bon calidad quizas por tin un efecto preventivo.

N.V. ARUVEN

## Condado Caribbean Hotels Inc.

ta participa pueblo en general cu diasabra dia 11 di Juli 1959, for di 2.00 p.m. te 10.00 p.m. lo tin oportunidad pa weita Aruba Caribbean Hotel. Bishitantenan por jega na entrada principal.

BUNITA

## BICICLETA PA MUCHA

DI 3 WIEL  
BUNITA COLOR  
CU SPIEL  
TIRE DI RUBBER  
BON CALIDAD

y.... no cara.

MANSUR TRADING CO.

## E POBERCITA HUERFANA

pa: Tuyuchi

No. 32

Tscherkoff tabata poci di ultimo man na su arte. Diripiente e pincel a bai for di man dje pintor. El a cai riba e tapiz di Snijna cu tabata tapá un cuadro dje taller. Peter Dimitrowitch a corre bida masha pura pa hize y e cuadro na su maestro, pero Ivanowitch a bise:

"Larg'e queda bao numa. Peter, pasobra e pincel aca cu e bida di haca su servicio. Mi ta quere cu nos ta e."

El a dal un paar di paso mas atras, e tene su mannan riba su wowo y ta bati e contemplu su obra.

"Lo ta satisfecho, senjorita Micheline?"

"Oh, maestro, oh, maestro", e ho-ho-ho ta murmurá for su mes di a-bien ta mesela cu un poco di excitacion.

Pa e pronto ta un conja pa mi cu

m'a logru mi obheto. Limpia e palet y e pincelnan, Peter."

"Si, Senjor Tscherkoff."

Peter a bai den cushina.

Tscherkoff a bai cerca Micheline y a cohe na su man. Su movicionnan tabatin algo festival cu nan.

Micheline a ripara esei.

"Quico ta pasa bo, Sr. Tscherkoff?"

"Unbez lo bo tende esei, Micheline. Cai sinta banda di mi riba divan y laga mi aplica bo ta quico. Pero bo tin di seucha mi tambe cu masha atencion."

Micheline a obedee.

"M'a puntra Lady Blight na bo pasado, Micheline, pasobra pa mi ta di masha interes di ta na altura di tur cos, unavez cu ta bo a bira e modelo di mi ultimo y segun mi ta opina, tambe di mi mihor cuadro."

# PAGINA TRES

## Gabinete nobo di Indonesia

**DJAKARTA, 9 juli** — Presidenj Sukarno di Indonesia a anuncia awe nombracion di un gabinete nobo, Sukarno mes ta prome ministro, General Nasution, hefe di estado mayor, ta ministro pa seguridad nacional y defensa.

Cu excepcion di dos persona, tur e miembran di e gobiernu nobo di Indonesia ta existi di personanan, cu a forma parti di e gobiernu anterior di Promi Ministro Djuanda. E representacion militar den e gobiernu ta menos pronunciada cu tabata spera cu bista di e intervencion militar den e crisis politico durante e reciente jira mundial di presidenj Sukarno. Ta supene, cu ehecto lo existi un participacion mas extenso den e grupo di subministacion, cu lo wordé nombra den curso di e luna aki.

E unico homber den gobiernu di Indonesia izquierdista ta Chairul Sahle, kende tin simpatia socialista.

Sukarno a bise, cu e programa di e gobiernu nobo tin tres regla: 1) Alimentacion y panja pa pueblo; 2) Sigura seguridad di estado; 3) Continuar e lucha contra imperialismo, economico y politico. E ultimo punto aki ta inclui un solucion pa e problema di Nieuw Guinea.

E comision di e gobiernu nobo di Indonesia no tabata obheto di cualkier comentario den circulan oficial na Merca. Portavoznan autoriza a declara, cu cualkier opinion expresa na Washington lo no falta di ser interpretado como un intervencion den asunto interior di Indonesia y lo riska di complicar e trabao duru y delicado di Sukarno mas ainda.

No obstante e silencio aki, ta evidente cu e equipo nobo gubernamental, forma pa Sukarno, ta goza di un tendencia favorable na Washington. En cuanto e restauracion di e constitucion revolucionaria di 1945 y e concepcion di "Democracia Dirigi", cu Sukarno ta aboga, esaki a ser ricibi cu sentimentunan varia na Merca.

## Nando ta sigur di por desquita e biahe aki

(Di Nos Sportreporter)

ORANJESTAD. — Sugar Boy Nando ta subi ring awe nochi, cu hopi confianza di por cobra e revancha contra di e experienciado Charley Cotton. Ya e norteamericano tin un victoria pa decision ariba e pugilista local, pero manera e mes a declara e decision di nan promer encuentro tabata masha preta y ta elimina tur duda awe nochi el lo sali en busca di un victoria pa e via rapida. E idolo local di su banda a expresa confianza di por derrota Cotton awe nochi. E estilo di Cottea baha pasa a duna dolor di cabez, pero e ta mihor prepara awor.

Nando den su pelea di luna, pasa contra di Clarence Cook a demostracion di aida ta posee e punch di k.o. Y lo no stranja nos si awe nochi ta Nando lo termina e pelea pa e via rapida. Haciendo esaki Nando ta esun cu lo muestra su superioridad e ora.

Den e semifinal di e programa lo ta den ring Kid Fenton y Young Joe di Corsow. E ultimo aki ta pretende qu e tambe tin derecho di por lo menos tuma parti den e eliminacion pa luego enfrenta Nando pa e corona di Antillas. E curazonjo aki tin hopi tempo sin wordé presenta na nos isla, pero nos no ta duda cu Kid Fenton lo termina e pelea tempran. E pelea aki tambe ta paca pa 10 round.

Den un pelea di 6 round lo enfrenta otro Johnny Gumbs y Little Lewis. Pa su mayor experiencia nos ta scoje Gumbs ganador di e pelea aki pa amplio margen.

E veloz Kid Spider lo enfrenta Young Braker atrobe. Den e ultimo programa nan a enfrenta otro y Braker a obtene decision unanime. Spider sin embargo no a keda mucho convencenci cu e perde y ta ansioso pa tuma revancha. Nos ta kere cu Braker lo ripiti su victoria.

E dos promer peleanan di e programa lo ta di amateur. Promer Johnny Kid lo midi forza cu Flashing Dash, un pupilo di Nando, mientras cu e segundo lo ta entre Young Frazer y Alberto Kid.

"Di ho ultimo cuadro, Sr. Tscherkoff?"

"Di mi ultimo cuadro. B'a comprende mi masha bon, Micheline, pasobra despues cu mi a baha di traha e obra aca, hamas lo mi cohe un pincel na mi man."

"Pero Senjor Tscherkoff!"

E pintor no a preocupe cu contrariadnan dje mucha muhe, pero el a queda ta fira su dilanti. Tabata como su histanan tabata penetra door dje bentrana y alcanza te na lamár di rosa, y demas floran den hofina, pero en realidad e no tabata mira na ningun camina. Pasobra e, espíritu dje pintor tabata dirigi na lejano futuro, respecto cual e tabata dicidi di combersa cu Micheline.

Tscherkoff a continua:

"Lady Blight a centa mi abiertamente cu bo ta un mucha muhe pover y sin majornan for Paris, cu riba un dia door di un casualidad of un felicidad a atropella cu sbers di Lord Arthur ora cu bo tabata para riba brug di Pont de la Concorde y como cu b'a banja sala, nan a hiba bo aya cerca dje. Y awor lo mi yuda bo, a-sina cu mi nengianan ta permiti mi."

"Mi a ser yuda pa Lady Blight y mi ta masha agraecido tombe m'e."

En lo general, sin embargo, ta parece cu e dirigentenan mericano hasta tempu caba a acepta e idea, cu democracia, manera esaki ta existi na paisnan occidental, no ta necesariamente e formula mihor pa paisnan manera Indonesia, unda e idealnan democratico no ta ainda suficientemente ancha den masa di pueblo.

## 3 1/2 Billion dollar pa asistencia militar

WASHINGTON, 9 di juli. — Senado mericano a aproba ayera un proyecto di ley autorizando un suma di 3 1/2 billion dollar pa asistencia militar y economico na paisnan amigu y aliadonan di ultramar durante e proximo 12 lunanan.

Sendo a rechaza un proposicion revolucionario di e comision pa relaciones exteriores pa aumta e fondo di prestamo cu cinco billion dollar pa distribui den proximo cinco aña.

Anteriormente Camara di Diputados a aproba un otro version di e proyecto, autorizando un suma di poco menos cu esun aproba pa Senado. E dos versionnan aki lo wordé harmoniza pa presenta un version definitiva na presidente Eisenhower pa su firma.

## Problemanan Inter-Americano

WASHINGTON, 9 di juli. — Brasil, Chili, Merca y Peru lo presenta mayan conjuntamente na consejo di e estacion mericano un proposicion pa convocar un reunion consultativo di e ministronan di Relaciones Exteriores di e republican americanu. Tal reunion ta permiti segun articulo 39 di e carta di OEA pa "studia problemanan, cu ta presenta un caracter di urgencia y cu ta di interes comun pa tur pais mericano". E obheto di a reunion aki ta di haci un examen completo di e evenemetonan, cu ya ta lunanan caba ta manifesta nan mes den henter region di Caribe.

E proposicion tin como obheto tambe di remplaza e demanda dominicano pa aplica e tratado Inter-Americano di asistencia mutuo, demanda e dificultad ta di duna e proposicion cu probablemente lo sufrí un fracaso, nobo aki un redaccion, cu ta satisfactorio pa e delegacion di Venezuela y Cuba, kende tur dos ta insistí, cu e demanda dominicano ser sonete na votacion den consejo, prome cu e organismo aki inicia un debate tocante e reunica di ministro.

Un grupo di diplomatico Latino Americano ta actualmente poniendo toque final na e proyecto di resolucio. Merca, aunque un di e iniciadornan, ta prefera larga formulacion di e proposicion na e Latino Americano.

Tel. 1637 Rondweg 49  
**BLOEMENHUIS ROZENoord**  
pa:  
Felicitation di nacemtu

## Flota Ruso segundo di mundo

WASHINGTON, 9 di juli. — E vice-admiral James S. Russell a declara awe, cu actualmente Rusia ta posee e di dos flota na mundo. Russell, kende ta hefe adjunto di estado mayor naval, a bise cu actualmente Rusia ta sigui directamente despues di Merca tocante grandezza di flota. Rusia tin actualmente 27 crucero, 150 torpedero, mas cu 3.000 avion di marina naval y 450 submarino.

Ademas e flota di Rusia ta particularmente moderno; 80% di e unidadnan naval di Rusia a ser construi despues di 1945, en comparacion solamente 20% di e flota mericano ta data despues di tal fecha.

Cansu y sombro e pintor tabata hari awor.

"Asina ta parece actualmente, esta: cu el a yuda bo. Pero practicamente lo e tambe lo tabatin su ventaja. Dama nan manera Lady Blight cu, enter nan hida largo a anda cu millones, ta imposible, pa nan por comprende berdaderamente ho situacion, pasobra nunca nan no tabata pover y ta p'e-sei nan no por figura nan ta quico ta pobreza. Pa sorto di hendenan a-sina nan prohibo no ta nada mas cu un juguete pa nan amusa nan y cu nan ta tira afo ora cu nan cansa den dje. Y ta huestamente pasobra mi ta mira bo inocencia y bo falta di experiencia, mi ta muestra masha interes den bo persona y ho situacion."

"Tesei ta ho opinion di Lady Blight, Sr. Tscherkoff?"

"Wel no. Mi opinion no ta solamente riba lady Blight, pero esei ta mi opinion riba tur e sorto di hendenan ricacho ei. Mi conoce nan mas bon cu ho par imagina ho. Tabatin un tempo, cu mi tambe tabata povercito. Mi no tabata posee nada. Pero tur loque mi tin awor, m'a gana cu mi obranan."

"Y despues di tur esakinan, Sr. Tscherkoff, ainda mi n' tende loque bo quier a bise mi propiamente."

"Mi quier avisa bo cu mi ta mira

## Jiu di Dr. Ralph Bunche

no por bira miembro di club pa asuntu di color

NEW YORK, 9 di juli. — Dr. Ralph Bunche, secretario general interino di Nacionnan Uel y ganador di Premio Nobel pa Paz, a declara ayera durante un conferencia di prensa na New York, cu e club di tenis di Forest Hill, unda tur aña tin un torneo grand international, a rechaza su jiu homber como miembro pasivo e ta negar.

Dr. Bunche, kende te awor tabata masha discreto den asunto di e problema racial na Merca, e baha aki a haci un declaracion fuerte, bisando entre otro, cu e suceso ta confirma e hecho, cu "ningun neger mericano lo ta liberto di e handicap di su raza, mientras e prehuicionan no queda elimina completamente". El a agrega di ta contenido cu su jiu di tal manera a sinja, "e les desagradable pero necesario aki". Dr. Bunche a afirma, cu e no ta sinti humilia pa e incidente y tampoco su jiu, pero cu ta e club lo carga e deshonra.

Na su conferencia di prensa ayera presidente Eisenhower pa di prome bez a califica publicamente, cu e segregacion economico y politico entre neger y blanco na Merca ta moralmente incorrecto. Hasta el momento Eisenhower a absteni di tur declaracion personal publico tocante asunto racial, pero a insistí cu tur mericano mester cumpli cu decisionan hudicial.

Segun informacion, e documento lo no haci mencio di ningun pais, y lo limita su mes na releva e importancia di un examen general di e factornan, cu ta fuente di e dificultadnan den zona di Caribe.

E reunion di e consejo di OEA ta convocar mayan pa discuti e demanda di Santo Domingo, e iniciadornan di e resolucio nobo lo esforza nan mes pa sonete nan mocion pa principio di e reunion pa evita un discusion prolonga riba e demanda dominicano.

## Dakota ta na cabez

ORANJESTAD. — E prome wegá nan cu a ser hunga den cuadro di competitie di Volleyball di Jeugdcentrale "La Salle" tabatin e siguiente resultadonan:

Dakota-Estrella	2-0
Noord-Paradera	2-0
Estrella-Noord	2-0
Dakota-Paradera	2-0
Rapid-Don Bosco	2-0
Brasil-Rapid	2-0
Don Bosco-Brasil	2-0

E stand total di wegánan hunga den e competitie ta awor asina:

Club	hunga gana	perdi	Pto.
Dakota	2	0	4
Estrella	2	1	2
Noord	2	1	2
Don Bosco	2	1	2
Brasil	2	1	2
Rapid	2	1	2
Paradera	2	0	2

Dia Razon anochi dia 15 di Juli lo tin siguiente encontrosnan riba tereno di Theresius College na Oranjestad:

Brasil-Noord 7.30'or; Rapid-Paradera 7.30'or; Noord-Rapid 8.15'or; Brasil-Paradera 8.15'or.

E mes anochi aca lo hunga na Estrella: na Santa Cruz; Estrella-Don Bosco 7.30'or; Dakota-Don Bosco 8.15'or.

## Noticianan varia

BARI, 9 juli. — Un Yugoslavo di 23 aña a obliga piloto di un aeroplano comercial "Coe revolver" den man ayera pa tuma direccion di Italia. E aeroplano tabata bulaando di Cattaro, na costa di Dalmatia, pa Belgrado. E avion a aterisa na Bari, sur di Italia, ande e homber a pidi asilo politico. E avion tabatin 27 persona a bordo, incluyendo 6 mucha. Poco despues e avion a sali di Bari pa Belgrado.

e dia ta yegando riba cual lo bo ta un peso of un molestier pa lady Blight."

"Y e pintor a continua:

"Mas tanto bo desarolla den bunita y den aprecio di combonitan, mas sensacion ho haci den mundo, mas pronto e dia lo yega. Y ora cu mi dicidi na exhibi e portret aca, loque ainda mi no sa, anto e dia ei na ta leu mas. E ora ei denter di un seman enter mundo lo papia di bo y den circulan lo bo ta obheto di tur combersacion. Y nada no ta ofende un muhe asina tanto ora cu mundo y nan ambiente tambe ta elogia un muhe mescos cu nan. Y mescos cu bo ta banja hopi admirador, mescos tambe lo bo banja hopi enemigo y lo nan sobrecarga bo cu odio y venganza sin fin. P'esei mi quier a haci ho un proposicion."

"Cu mucho gusto."

"Bo tin di bira enteramente independiente."

"Comi lo mi por haci esei? Mi n' ta posee nada y tampoco mi n' sinja nada ainda, Senjor Tscherkoff."

"Lo mi yuda bo den esakinan, Micheline, contal cu bo quier accepta mi oferta."

Contal cu mi por accepta esei cu un consenshi limpi, Sr. Tscherkoff."

E ta signi

## Cumplanjos feliz

Senjorita Rotina Kelly ta ricibi felicitacion di su 10 aniversario di tata Wijn Kelly, sobrinu y sobriniana, tambe di su amiguan Chita y Kethi Koolman, Lelia de Lange, amigu Domitio Bicker, muy especialmente di su amiguan di Huisdonschool.

Senjor Ramon Anvicio Becker ta recorda su fecha natal y ta ricibi felicitacion di Catharina Toetslop.

Cerilia Everon ta cumpli 78 aña y ta ricibi felicitacion di su junan Agatha, Carmen, Olindo, 17 nietonan, nietonan y demas familia.

Masha pabien ta bay pa e hobereita Violeta Henriette Kock, parti di su tata Jat, nana Fela, tiaman Viciol, Ketty Kock y demas familia Kock y Silva.

Oslin Randolph Henriquez ta celebra su promer aña di feliz existencia y ta ricibi felicitacion di familia Henriquez, Falconi y Koolman.

Senjor Adelbertho Semeleer y Senjora Julia Semeleer, kende ta recorda nan 46 aña di bida matrimonial, ta ricibi felicitacion di nan junan Josefa, Jendi, Cochita, Pedro, Catharina, 21 nietonan, di familia Semeleer, Kelly y Figaroa, Christians, Orman y demas familia.

## E REGALONAN di mas

bunita bo por hantja na

## Caribbean Shop

dilanti di A.T.C.

Senjor Pief y Senjora Adriana Geerman ta cumpli 24 aña di feliz bida matrimonial y ta ricibi felicitacion di nan junan Annie, Bertha, Maria Geerman, suegro Betto Werleman, mama Isenia Geerman y demas familia.

## ARUBA Ariba y Riba ARUBA

unicamente... e mejor



## ULTIMA NOTICIA FLASH!!

ATENCION TUR HENDE CU TA CRIA PORCO!

Nos tin pa bo acualmente GRATIS un booki yama HANDBOOK OF INFORMATION FOR HOG RAL SERS.

TUR hende cu ta cria porco aki na Aruba por obtene e valioso booki instructivo aki por nada. Tur loque bo tin cu haci pidi na telefon y nos ta mundé pa post pa bo.

Esaki ta un cortesia di e famoso coemindanan marca LIPSCOMB.

Agentenan pa Aruba:

## ARENDES AGENCIES

TEL. 1478

Wilhelminastraat 12-A

## Inundacion a causa hopi morto y danjo material



Forsa dje inundacion a laga e caminda aqui un masa di barancanan.



Mortonan ta pone riba suela pa ceremonianan religioso.

Trahadornan di salvacion na Colombia ta haci tur loke ta posibel despues dje inundacion causa pa desbordamiento di un rio cu a laga e escena desastroso aqui. Tres poblacion a wordé raze causando mas cu 200 morto prome cu e awa a hala bai haak.

Pa aviso y tur correspondencia pa "Arubaanse Courant" dirigi na: Nassaustraat 85, Oranjestad. Telefon 1114. Eresado y Aviso: Telefon 2116. Redaccion y Suscripcion: Numero 400 di ARUBAANSE COURANT ta obtene na Union Store, Main Street, San Nicolas.

## AGENDA

PARTERA DI WARD: Zr. E. S. T. Brammiller, tel. 1336.

ORANJESTAD: BOTICA DI WARD

San Nicolas: BOTICA CENTRAL

## TAORO - GUYABA juice

JEUGDCENTRALE "LA SALLE" ARUBA

Zaterdag 11 juli 1959

Club Noord  
4 p.m. TEN Seniores vs. Britanico op UAN veld.  
7-9 p.m. Club open.  
Dakota  
Tenniscampment  
Don Bosco (San Nicolas)  
4-10 Club open, Training softball.  
St. Josephus, Estrella (Santa Cruz)  
1 p.m. Voetbalcompitiedwedstrijd Junior Estrella vs. S. Nicolas des GREN. CLUB vangeve de uitvoering van de Trinitiden op het Basketbalveld.  
St. Jansknappen (San Nicolas)  
4 p.m. Ineenkomst II. Andries groep  
5 p.m. Softbaltraining.  
Trottoeren  
7 p.m. Seniores "TROTTOER" te Sta. Cruz.

Mas di 70 aña di experiencia ta

poni den cada MERCEDES BENZ.

Aba tambe por prueba di esaki

## KUSTERS TRADING CO.

Oranjestad Tel. 1012

## RADIO VICTORIA

Diabierne 10 di juli 1959

4.00 Musica di banda  
4.15 Melodiaman di alima  
4.20 E. Bibbel habri  
4.45 Momentos musicales  
5.00 Logos del hogar  
5.15 Musica para sena  
5.45 Cate con musica  
6.00 Himnos polticos  
6.15 Hora de oracion  
6.45 Momentos musicales  
7.00 Noticia na Hulandes  
7.10 Concerto Inuit  
7.45 The bandstand  
8.00 World news  
8.10 On the record  
8.20 Back to the Bible  
9.00 Musical gems  
9.20 Haven of rest  
10.00 World news (repeat 8.00 news)  
10.45 Hymns that live  
10.50 Sign off.

## RADIO CARACAS TELEVISION

Conales 2, 7 y 10

Viernes 10 de julio de 1959

7.35 Himno Nacional  
7.57 Informacion de los programas del dia  
8.00 La hora de los  
9.20 Peliculas de largo metraje  
12.00 El Show de las doce  
1.15 Su novela, La Inhabilita  
1.20 El imperial TV  
2.00 Peliculas de largo metraje  
4.00 Club tenismo  
5.00 Logos de mujeres  
5.20 La perfecta ama de casa  
7.15 La novela Ave  
7.20 Revolver y la orden  
8.00 El observador, Circle  
8.15 Su novela Palmolive  
8.20 El programa Gato Year  
9.00 La novela Canave  
9.15 La novela LAM  
9.20 Chirriano  
10.00 Cortes cinematograficas  
10.20 Cineprograma  
12.00 Himno Nacional-Despedida

RETNOS AIRES, 9 juli. — 250 Sindicatista, empleado de ferrocarril y di industria petrolera, koe a ser arresta durante e weganman, koe tabatin e ultimo lunanan aki na Argentina, lo recorda nan libertad. Mayoría di nan, koe ta pertenecer na sindicadonan di tendencia Peronista, a porce dilanti tribunalan militar pa violacion di disciplina, na cual nan tabata sonete.

DEN HAAG, 9 juli. — Circulan oficial na Den Haag a confirma, koe Selwyn Lloyd di Inglaterra a invita mr. Luns, ministro di relaciones exterior, pa un conmentu na Geneve dia-luna awor. Na e conmentu aki lo ta presente tambe minister Herter di Merca, Couve de Murville di Francia y Von Brentano di Alemania Occidental.



# EL CISCO KID

1. Un tiroco ta luna lugar.  
2. "Spaar bo tirona. Zorro, pasobra nan no ta haci nada".  
3. "Bo ta un diablo pasobra e balanza no ta drenta bo".  
4. "Mi no por contra diabo".  
5. "Lanta traidor. Ya bo sabi kende ta manda".




# JUAN EL INTREPIDO

1. "Dr. Han... com dize anja e cu bo ta pasa pa morto na China Rojo. Ta increíble".  
2. "Anda mi ta den e biban. Amigo Hunter... pero no pa hopi tempo".  
3. "Mi mi perseguidor nan hanja mi a- wot".  
4. "Kende nan ta? Laga nos avisa polis...".  
5. "No, Na- go, Polies no por haci nada contra e Rojones".



# DICK TRACY

1. "Fingerprints? Anda no, sr. Ray".  
2. "Kiko bo a han- ja?".  
3. "Anda mi no sabi, pero no ta un fingerprint. Lasti- ma".  
4. "Wel, nos a piscu su lighter, su sambuchi, su llave- ro y portemoneda...".  
5. "Si no ta ebe dudu awor cu ta mi amigo Hillis. E lighter di oro aki tabata un regalo di pascen di su senjora. Sem- per e tabata show e".



# RIP KIRBY

1. Convencido cu su presa ta so, Jack Whitney ta bai na e isla.  
2. "Dios laga, sr. Kir- by ta cla pa ricibi Whitney".  
3. "No move Gloria, pasobra e ultimo bishita cu bo a retro- cede bo a saka un pistool".



# EL PRECIO DEL TRIUNFO

1. "Sr. Lorimer, henter e po- blacion ta evacuando, sin ex- cepcion! Esey ta nifica bo tambe?".  
2. "Orden di Matt Breaun, eh? Bisele cu no! Nan no por obliga mi!".  
3. "Wel, anto nos mester co- he bo preso, Sr. Lorimer!".  
4. "Sin un auto... sin cargo! Mehor bo cambia bo idea, sargento!".  
5. "No sea bobo! Te hasta Breaun a sali di e pueblo! Ha- ci quico cu bo quier, pero corda riba e mucha y su ma- ma!".



# EL DIARIO DE UNA VIDA

1. "Tabatin morto den e car- redanan ey, Julieta... y Pa- blo... Pablo ta un aficiona- do...".  
2. "Providencia ta proteje e amantenan, mi ruman!".  
3. "Ta costa mi hopi trabau pa bira e curvian bon...".



# PEPITA

1. "Lo bo mester tin hamber... Como bo ta menciona esai, si?".  
2. "Bo ta gusta un sandwich di ham cu herduza?".



## Dos colecciones de Diapositivas Sobre Arte Oriental

Dos colecciones de diapositivas en color sobre las exposiciones de arte oriental que se presentaron en París durante la pasada Conferencia General de la Unesco han sido puestas en circulación por la Comisión Nacional Francesa de Cooperación con la Unesco.

La primera colección — que se refiere a la exposición „Oriente-Occidente, Encuentros e influencias durante cinco siglos de arte" — contiene 41 diapositivas (de 24 x 36 mm.) y un texto explicativo en español escrito por Vadim Elisséeff, del Museo Gernschi de París y por Madeleine Paul-David de esa misma institución.

La colección es presentada en dos cajitas. Una contiene 21 diapositivas que ilustran los siguientes temas: el uso del arco en las civilizaciones antiguas; el teorema pitagórico; el desarrollo del arte de los etruscos y los griegos; y el desarrollo de las formas del arte religioso y de los motivos ornamentales.

La segunda cajita contiene 20 diapositivas que ilustran diversos temas también, como, por ejemplo, e lafan de conocimiento en Europa en la época de los grandes descubrimientos; afinidades entre la pintura oriental y la Occidental; obras de arte indias en Europa; El Cercano Oriente en la pintura occidental; la impresión causada por el arte japonés en Francia a fines del siglo XIX, y la influencia de las formas del arte de África en las artes plásticas.


La segunda colección de diapositivas presenta las obras de arte que formaron parte de la exposición „El arte de Gandhara y del Asia Central", que tuvo lugar en el Museo Guimet de París. Esta exposición, que fué preparada con el concurso de museos del Pakistán, de Italia y de Alemania, ilustra la historia de las relaciones entre Oriente y Occidente desde el siglo V a.C. hasta el siglo X d.C. Un texto escrito por Jean- nene Anbeyer, del Museo Guimet, explica cada diapositiva.

## Refrescante BALS P.K.



SALUDABLE... DELICIOSO!

y no lubido cu cada pedido bo ta hanja 6 botter of un recki gratis. Pa haci bo pedidan, jama 1418 of 1152 CONTAL AGENCIES



Oficialnan di Aduana aleman a quita un senjal di Aduana riba un bordchi cu ta separa Saar for di Alemania Occidental.

## Dos casita na Ararat a kima te na suela ayera

(Di nos corresponsal na Corsow)

WILLEMSTAD: — Ayera tardi algu pasa di 5 or ma- sha huma tabata pasando riba Pun- da, y ora nos a bai investiga tabata un candela basta grandi na Ararat.

Tabata dos casita di tabla para ri- ba nan mes den un coral den Ararat- wijk y numera 9 y 9A. E prome avi- so cu brandweer a hanja a drenta ban- da di binti pa seis y mes ora a sali un despues di otro cuater spuit, di Steenrijk, Parera, Rio Canario y esun di buifdwacht tambe. Prome tabatin cuater slang ta manda awa y e sei a bai reduciendo na tres y por ultimo dos.

En vista di e biento y cu e casnan ta di tabla tur dos a kima te na sue- la sin por a salba nada ey tabata den nan.

Na principio e hendenan cu ta bi- ba ei handa mes a cuminsa yuda pa paga e candela pero dices e brand- spuitnan a yega y a tuma e trabao over.

Ronde Kruis cu Sr. Juancha Mar- tina y su hombernan tabata pronto presente, pero gracias a Dios cu nan no tabatin di drenta na accion. Ta- batin un ambulans tambe na e sitio como cu e hendenan tabata bao di impresion cu por tabatin fin di e ha- bitantenan den dje casnan, pero po- lisan a busca na tur manera sin por a hanja nada semehante.

E trabao di pagamentu tabata ho- di e tabatin mundo di Sr. C. Doornhofs, mientras nos por a mira tambe na e sitio di e desastre Sr. Julio Schouwe, hoofdinspecteur, y Sr. P. Paul, Com- missaris di polis un Corsow.

No ta cancel ainda si e casnan of menbelnan di e habitantenan tabata

asegura of no. Policie ta haciendo in- vestigacion pa saca afor motulu dje incendio.

## La R.A.U. Solicita la Ayuda de la Unesco para Salvar unos monumentos

El Gobierno de la Republica Arabe Unida ha solicitado por medio de la Unesco la ayuda internacional para tratar de salvar los tesoros históricos que la construcción de la gran presa de Aswan amenaza, pues una vez construida quedaran sumergidos bajo las aguas.

Los trabajos de la presa deberan com- enzar a fines de este año, dentro de pocos años un enorme lago fecundara una gran region egipcia, pero desgra- ciadamente sus aguas cubriran los fa- mosos templos y monumentos de Abu Simbel, Debed y Kalabshah.

Las autoridades egipcias han tomado ya una serie de medidas tendientes a conservar por lo menos en reproduc- ciones y documentos la memoria de funciona en El Cairo un Centro de Es- tudios y Documentacion sobre la his- toria del Arte y la Civilizacion del An- tigo Egipto, el cual ha sido fundado con ayuda de la Unesco.

Ahora el Gobierno de la R.A.U. ha decidido hacer un llamado a la co- laboración internacional para salvar al- gunos de esos monumentos, trasladan- do unos, manteniendo a otro inclum- en el mismo lugar y llevando a cabo una serie de excavaciones urgentes que ofrezcan nuevos tesoros antes de que las aguas den cuenta del terreno.

El señor Mohamed Awad, represen- tante de la R.A.U., manifestó hace po- co al Consejo Ejecutivo de la Unesco, en París, que su país esta decidido a

LONDEN, 9 juli — Ayera atrobe un gran parti di Europa a sufrí di un ola di calor. Na Paris e temperatura taba- ta 93 grado Fahrenheit merdia. Dos hende a muri a consecuencia di un zon- nesteeke.

Den parti norte di Portugal meser a evacua tres pueblo en conexion koe un candela forestal, koe tabata bisto na un distancia di 50 km.

Miles di hende a bandona Brussel pa busca alivio na costa.

hacer todos los esfuerzos, dentro del limite de sus posibilidades, pero la te- rea es de tal modo ingente que exige el concurso internacional para llevarla a cabo.

De acuerdo con el proyecto que se contempla, la Unesco prepara un pro- gramma detallado de los trabajos requi- ridos y el índice respectivo de los gas- tos que deberan ser sufragados, si fue- ra necesario, por contribuciones volun- tarias hechas por los Estados Miembros a un fondo especial.

El proyecto requiere minuciosos es- tudios preliminares, que deberan com- pletarse antes de que termine el otoño próximo. En consecuencia, el Direc- tor General de la Unesco se propone convocar una reunión de expertos en El Cairo para que determine la forma en que los trabajos deberan emprender- se, va sea trasladando los monumentos o protegiéndolos en el mismo lugar donde se encuentran. En agosto y sep- tiembre próximos se hará un estudio fotografico de la region, lo cual exige el empleo de aviones equipados espe- cialmente.

El Consejo Ejecutivo aprobó las li- neas generales del proyecto y en su próxima reunion, la cual tendrá lugar en el otoño, examinará el informe pre- parado por los expertos y la Secretaría de la Unesco sobre las obras prelimi- neres que la calización del programa re- quiere.



Esaqui ta e bista tristu ora cu e candela ayera tardi tabata cabando despues cu dos casita di tabla kima te na suela.